

ԹԻԼ 26474
Օգոստոս 14, 1979

Հոգեշնորհ
Տ. Վազգէն Ծ. Վրդ. Էէշիշեան
Առաջնորդի Փոխանորդ Գանատայի
Թորոնթօ.

Սիրելի Հայր Վազգէն,

Թեմական Խորհուրդի Օգոստոս 10, 1979 նիստին մէջ անդրադարձանք մեր եւ Թեմական Խորհուրդի ամբողջ կազմին ունեցած առաջին պաշտօնական հանդիպումին՝ ձեր եւ Թորոնթօ բնակող մեր զաւակներէն տասներեք ազգայիններու հետ, 1979 Յուլիս 14, Շաբաթ օր, Թորոնթոյի Ս. Երրորդութիւն Հայց. Եկեղեցւոյ մէջ:

Այս հանդիպումին զխաւոր նպատակն էր օրինաւոր միջոցներով հաստատել երկրորդ համայնք մը Թորոնթոյի մէջ:

Մեր եւ Թեմական Խորհուրդի զոհունակութիւնը կը յայտնենք որ հրաւիրուած տասներեք ազգայինները պաշտօնապէս յայտարարեցին որ իրենք որոշած են հնազանդիլ Առաջնորդին եւ Թեմական Իշխանութեան եւ պատրաստակամ են իրենց տրուելիք հրահանգներուն համաձայն կազմակերպել Թորոնթոյի մէջ մեր երկրորդ համայնքը Ս. Խաչ Հայց. Եկեղեցի անունով:

Վստահ ենք թէ ուղիղ եւ քարի մտադրութեամբ առաջադրուած այս նպատակը պիտի իրագործուի հարթելով անցեալի տարակարծութիւնները, եւ գործածելով մեր զաւակներուն հոգեւոր եւ իմացական տաղանդը եւ կարողութիւնները՝ մեր հոգեւոր մօր՝ Հայց. Սուրբ Եկեղեցիի հովանիին ներքեւ խմբելով զանոնք եւ քարզաւածեցնելով անոնց կրօնական, մշակութային, ազգային, կրթական եւ ընկերային կեանքը:

Յուլիս 14ին տեղի ունեցած խորհրդակցութեանց հիման վրայ եւ յստակ ընելու համար կատարուելիք աշխատանքներու ուղեգիծը եւ պատասխանատուութիւնները, ձեզի կը հրահանգենք պատշաճը տնօրինել հետեւելով ձեզի տրուած ցուցմունքներուն:

1. Թեմական Խորհուրդը նկատի ունեցաւ Թորոնթոյի մէջ կազմուելիք երկրորդ ծուխի մը կազմակերպման համար իր նշանակած յանձնախումբը եւ նաեւ նկատի առաւ ստացուած տեղեկութիւնը թէ երկրորդ ծուխէն հաւանական ծխականներ ժողով գումարելով որոշ անձեր ընտրած են իբրեւ ծխական Խորհուրդ: Վերոյիշեալ տուեալները նկատի ունենալով, ներկայ գիրով կը լուծենք որեւէ եւ բոլոր մարմինները եւ յանձնախումբերը՝ որոնք նախապէս նշանակուած կամ ընտրուած են գործելու երկրորդ ծուխի անունով, եւ հետեւեալ անձերը կը նշանակենք Առժամեայ Ծխական Խորհուրդ Թորոնթոյի մէջ կազմուելիք երկրորդ ծուխին Սուրբ Խաչ Հայց. Եկեղեցի անունով.

- Տորթ. Վարդան Այնաճեան
- Տիար Անդրանիկ Զաքարեան
- Տիար Սուրէն Էվրան
- Տիար Եղիա Թորոսեան
- Տիար Մարտիկ Հէքիմեան
- Տիար Յակոբ Նար
- Տիար Ղեւոնդ Շահմելիբեան
- Տիար Լեւոն Չէօմլէքեան
- Տորթ. Վահէ Սվաճեան
- Տորթ. Վաչէ Բերամեթլեան
- Տիար Յակոբ Էէլէշեան
- Տիար Մքմէն Բիւրքճեան
- Տիար Ժան ֆէնէրճեան

2. Կը հրահանգենք ձեզի որ վերոյիշեալ անձերը հրաւիրէք ժողովի՝ ուր զաղտնի բուէարկութեամբ եւ ներկաներու մեծամասնութեան բուէով պէտք է ընտրեն Ատենապետ եւ Փոխ Ատենապետ, Ատենաղախի եւ Փոխ Ատենաղախի, Գանձապահ եւ Փոխ Գանձապահ, եւ եթէ անհրաժեշտ է այլ պաշտօններու համար պատասխանատուներ՝ եւ անոնց անունները մեզի ներկայացնէք վաւերացման համար: Հաճեցէք նաեւ զրկել իւրաքանչիւրին հասցէն եւ հեռաձայնի թիւը:

3. Նշանակուած վերոյիշեալ անձերը պիտի ծառայեն հրահանգներուն համաձայն Առաջնորդին եւ Թեմական Խորհուրդին: Եւ Առժամեայ Ծխական Խորհուրդի ուրեւէ մէկ անդամ որ կ'անսաստէ կամ հակառակ կը գործէ արուած հրահանգներուն՝ ենթակայ կ'ըլլայ պաշտօնէ հեռացուելու Առաջնորդի եւ Թեմական Խորհուրդի պաշտօնագրով եւ կ'արգիլուի որեւէ հանգամանքով Սուրբ Խաչ Եկեղեցիի անունով գործելու:

4. Առժամեայ Ծխական Խորհուրդը պարտի հետապնդել եւ կատարել հետեւեալը.

ա. նկատի ունենալով Թորոնթոյի մէջ Ս. Երրորդութիւն Հայց. Եկեղեցւոյ ծուխին ներկայութիւնը եւ անդամութիւնը, Ս. Խաչ Եկեղեցւոյ անդամ աթոռագրութեամբ ամէն անհատ պարտի ստորագրել տրատու անդամութեան համար պատրաստուած հաստատագիրը: --Տես օրինակը--

բ. իւրաքանչիւր տրատու անդամ պարտի վճարել իր տարետուրը, որ նուազագոյն 15 տուար է:

գ. Կարգադրութիւններ ընել առաջին Տարեկան Անդամական Ժողովը գումարելու 1980 Փետրուար ամսու մէջ՝ նախագահութեամբ Գանատայի մէջ Առաջնորդի Շոխանորդին:

դ. 1980 Փետրուարին գումարուելիք առաջին Տարեկան Անդամական Ժողովին մասնակցելու եւ քուէարկելու, եւ ծուխին մէջ որեւէ պաշտօնի ընտրուելու համար, իւրաքանչիւր անհատ պարտի իրաւասու անդամ դառնալ 1979 Նոյեմբեր 15էն առաջ՝ ամբողջացնելով ա. եւ բ. հատուածներուն մէջ յիշուած պայմանները:

--Հաճեցէք նկատի ունենալ որ միայն այս առաջին անգամուած համար եւ այս նպատակով զանց կ'առնենք մեր Թեմական Կանոնադրութեան յօդուած 7ի մէջ յիշուած պայմանները: Առաջին Անդամական Ժողովէն յետոյ, Կանոնադրութեան ցուցմունքներուն կը հետեւիք:--

ե. Ոչ մէկ պարագայի Առժամեայ Ելական Խորհուրդը կրնայ որեւէ պարտաւորութեան տակ ղնել ծուխը կամ Առաջնորդարանը որեւէ նպատակով կամ պատճառով կալուածական գնում կատարելով կամ շէնքի գործածութեան անունով վարձքի եւ կամ այլ ծախքի ենթարկելով, առանց կանխաւ արտօնութիւնը ստանալու Առաջնորդին եւ Թեմական Խորհուրդին:

զ. Ցնոր տնօրինութիւն, Հայց. Եկեղեցւոյ Հիւսիսային Ամերիկայի Արեւելեան Թեմի Առաջնորդի Շոխանորդը Գանատայի մէջ այս համայնքին կրօնական եւ եկեղեցական գործերուն անմիջական պատասխանատուն պիտի ըլլայ:

է. Սուրբ Խաչ համայնքի տնտեսական եւ վարչական գործառնութիւնները պիտի կատարուին նախագահութեամբ Առաջնորդի Շոխանորդին եւ ծուխին բոլոր ձեռնարկները պէտք է ծրագրուին համաձայն Հայց. Եկեղեցւոյ Հիւսիսային Ամերիկայի Թեմական Կանոնադրութեան:

5. Գիտակ ըլլալով որ Հայց. Եկեղեցւոյ Հիւսիսային Ամերիկայի Թեմը իբրեւ իրաւական անձնաւորեալ կազմակերպութիւն արձանագրուած է Միացեալ Նահանգաց Նիւ Եորք Նահանգի մէջ՝ որեւէ օրինական վաւերագիր ստորագրելու կամ կանոնական բարեփոխումներ կատարելու համար Սուրբ Խաչ համայնքի ոեւէ եւ բոլոր ներկայացուցիչները ենթակայ են Առաջնորդին եւ Թեմական Խորհուրդի հրահանգներուն, յարգելով Գանատական օրէնքներու տրամադրութիւնը:
6. Առժամեայ Ելական Խորհուրդի մէջ ծառայելու համար նշանակուած ոեւէ մէկ անդամի տեղ, որ անկարող է իր պարտականութիւնները կատարել մահուան, հրաժարման կամ առանց պատճառի շորս յաջորդական ժողովներէն բացակայելու կամ այլ պատճառաւ, Առաջնորդը եւ Թեմական Խորհուրդը նոր անդամ մը կը նշանակեն:
7. Բոլոր թղթակցութեանց եւ արձանագրութեանց օրինակներէն պէտք է պահուին նաեւ Առաջնորդի Շոխանորդին մօտ:

8. Ս. Խաչ Հայց. Եկեղեցւոյ անունով պետութեան մօտ արձանագրուած կանոններու մէջ կատարուելիք անհրաժեշտ փոփոխութիւնները յառաջիկային պիտի ներկայացնենք, համաձայնեցնելու համար զանոնք Հայց. Եկեղեցւոյ Հիւսիսային Ամերիկայի Քսմի Կանոնադրութեան տրամադրութեանց հետ:
9. Թեմական Խորհուրդի Օգոստոս 10 նիստին մէջ ակնարկութիւն եղաւ Յունիս 27, 1979 թուակիր գրութեան մը որ Յուլիս 14ին մեր հանդիպումէն յետոյ դրկուած է զանազան անձերու եւ որուն ներքեւ դրուած տասնըներեք անուններէն վեցը ներկայիս մեր հաստատելիք Առժամեայ Եխական Խորհուրդի անդամներու ստորագրութիւնն են: Թեմական Խորհուրդի նիստին մէջ որոշեցինք աննկատ թողուլ այս անխորհուրդ արարքը, վստահելով Յուլիս 14ի ժողովին մէջ նոյն անձերու ցուցաբերած ուղղամիտ կեցուածքին եւ յայտարարութեան:

Մեր թելադրութիւնն է որ զիրար քաջալերէք ``ի գործս բարիս``, որպէս զի սատանան որ ակնդէտ պատրաստ է իրենց հաւատքին մէջ հաստատ մնացողները խարքալելու` ամօթալից հեռանայ ձեր մէջէն: Կը մաղթենք որ Աստուծոյ օրհնութիւնը անպակաս մնայ ձեր եւ Ս. Խաչ Հայց. Եկեղեցւոյ Առժամեայ Եխական Խորհուրդի եւ մեր Եկեղեցւոյ բոլոր զաւակներուն վրայէն:

Սիրոյ ողջունիւ

ԹՈՐԳՈՄ ԱՐՔԵՊԻՍԿՈՊՈՍ
Առաջնորդ

ՄԱՐԻԻ ԽԱՆԳ
ՀԱՅԱՍՏԱՆԵԱՅՑ
ԵԿԵՂԵՑԻ

Holy Cross
Armenian Church

10 Յուլիս 1979

Հոգեշնորհ
Տէր Վազգէն Ծ.Վրդ. Քէշիշևան
Առաջնորդական Փոխանորդ
Գանատայի Հայոց
Թորոնթօ.

Յարգելի Հայր Սուրբ,

Ս. Խաչ Հայաստանեայց Եկեղեցւոյ առաջին անդամական ժողովը տեղի ունեցաւ 7 Յուլիս 1979 Շաբաթ երեկոյ, ի ներկայութեան 136 ընտրուած անդամներու:

Տեղեկատուութիւններէ եւ հաշուետուութիւններէ վերջ, ծխական Խորհուրդի, Ընտրողական եւ հաշուեքննիչ Յանձնախումբերու ընտրութիւնները եղան:

Հետեւեալ որոշումները առնուեցան.

- ա- Ընտրողական Յանձնախումբը յաջորդ տարեկան անդամական ժողովին ներկայացնելու համար, ծխական Խորհուրդի, Պաշտամուտներու, Ընտրողական եւ Հաշուեքննիչ Յանձնախումբերու Թեկնածուներու երկպատիկ ցանկը մինչեւ 15 Դեկտեմբեր կը պատրաստէ: Այդ թուականէն սկսեալ, ներառեալ ընտրութեան օրը, ոչ ոքի Թեկնածութիւնը կ'ընդունուի:
 - բ- Անդամ մը, նուազագոյն 15 ամիս նուիրատուութեամբ, քուէարկութեան իրաւոյնը կը ստանայ:
 - գ- Ծուլիս հիմնադիր անդամներէն Տիար Գ. Մազմանեան, տարիքի բերմամբ, հրաժարականը ներկայացուցած ըլլալով, ծխական Խորհուրդի Թիւր 13 ըլլալով կը սահմանափակուի:
- Ծխական Խորհուրդս 9 Յուլիսի հերթական նիստին կազմեց իր դիւանը: Ստորեւ կը ներկայացնենք Ընտրողական եւ Հաշուեքննիչ Յանձնախումբերու անուանացանկը եւ ծխական Խորհուրդի վերջին կազմը:
- Հաշուեքննիչ Յանձնախումբ .
- Տիկին Շաբէ Շահնազարեան, Տիար Յարութիւն Սահակեան եւ Տիար Ժիրայր Սվանեան

Բնորոշական Յանձնախումբ .

Տօրթ. նորայր ճէլլանլը, Տօրթ. Մանուէլ Սարարիա, Տիարը Վահէ Պետրոս-
եան, Յովակիմ Օլթանեան եւ Վահէ Զերամեթլեան

Եխական խորհուրդ .

Տօրթ.	Վարդան	1) Այնաճեան	Ատենապետ
Տիար	Արմէն	2) Զիւրբճեան	Փոխ Ատենապետ
Տիար	Յակոբ	3) Նար	Ատենադպիր
Տօրթ.	Վահէ	4) Սվամբան	Փոխ Ատենադպիր
Տիար	Ղեւոնդ	5) Շամբլիքեան	Գանձապահ
Տիար	Անդրանիկ	6) Զազարեան	Փոխ Գանձապահ
Տիար	Սողոմէն	7) Էվրան	Խորհրդական
Տիար	Եղիա	8) Թորոսեան	" "
Տիար	Մարտիկ	9) Հէքիմեան	" "
Տիար	Լեւոն	10) Զեօմլէքճեան	" "
Տօրթ.	Վաչէ	11) Զերամեթլեան	" "
Տիար	Յակոբ	12) Զէլէշեան	" "
Տիար	Ժան	13) Ֆենէրճեան	" "

ի Դիմաց

Ս. Խաչ Հայց. Եկնդեցւոյ

Եխական խորհուրդի

Մ. Վ. Այնաճեան

Տօրթ. Ա. Վ. Այնաճեան

Ատենապետ

ՍՈՒՐԲ ԽԱԶ ՀԱՅՑ. ԱՌԱՔԵԼԱԿԱՆ ԵԿԵՂԵՑԻ

ԹՈՐՈՆԹՕ, ԳԱՆԱՏԱ

ԱՆԴԱՄԱԳՐՈՒԹԵԱՆ ԴԻՄՈՒՄՆԱԳԻՐ

Կը փափաքիմ արձանագրուիլ որպէս տրատու եւ քուէարկող անդամ Թորոնթոյի Ս. Խաչ Հայց. Առաքելական Եկեղեցւոյ համայնքին, որ կը գտնուի Հիւսիսային Ամերիկայի Հայց. Եկեղեցւոյ Արեւելեան Թեմի հոգեւոր իշխանութեան ներքեւ:

- Տրատու եւ քուէարկող անդամ չեմ ուրիշ որեւէ եկեղեցւոյ:
- Մկրտուած եմ Հայց. Առաքելական Եկեղեցւոյ մէջ, հաղորդակից անդամ եմ անոր:
- Կը խոստանամ յարգել Թեմին Կանոնադրութիւնը:
- Տասնըութը տարեկանէն վեր եմ:

Անուն - ՄԱԿԱՆՈՒՆ

ՄԿՐՏՈՒԹԵԱՆ ՎԱՅՐ. ա. Եկեղեցւոյ անուն

բ. Քաղաքի անուն

գ. Մկրտող Քահանայի անուն

ՀԱՍՑԷ ՔԱՂԱՔ

ՀԵՌՈՒԶԱՅՆ ՓՈՍՏԸԼ ԳՕՏ

ԹՈՒԱԿԱՆ ԱՏՈՐԱԳՐՈՒԹԻՒՆ

- Հայց. Եկեղեցւոյ Հիւսիսային Ամերիկայի Արեւելեան Թեմի մէջ համայնքի մը քուէարկող անդամ ըլլալու համար՝ ոեւէ մէկը պէտք է մկրտուած ըլլայ Հայց. Առաքելական Եկեղեցւոյ մէջ, կամ հաղորդակից անդամ՝ անոր, նուազագոյն 18 տարեկան, վճարած՝ տարեկան անդամատուրքը եւ անդամ՝ ոչ աւելի քան մէկ համայնքի:

ԴԻՏՈՂՈՒԹԻՒՆ ՀՈՎԻՒԻ. -
.....
.....

ԸՆԴՈՒՆՄԱՆ ԹՈՒԱԿԱՆ ԱՆԴԱՄԱՏՈՒՐԸ

Հաղորդակից անդամ՝ - Հայց. Եկեղեցւոյ իւրաքանչիւր անդամ պէտք է մկրտուած ըլլայ: Ոչ-հայ քրիստոնեայ եկեղեցիներու մէջ մկրտութիւնը ընդունելի է. այս պարագային Հայ Եկեղեցականքը կրնայ Դրոշմի Խորհուրդը կատարել եւ ընդունիլ զինք որպէս Հայց. Եկեղեցւոյ Հաղորդակից Անդամ: Ուրեմն հաղորդակից, այս պարագայի, կը նշանակէ մկրտութիւն այս Եկեղեցւոյ մէջ՝ որ օրինաւոր կը դառնայ Դրոշմի Խորհուրդով եւ ընդունմամբ Հայց. Եկեղեցւոյ կողմէ: